
ANTONIO BULOS PRINS CARNAVAL 1960

ORANJESTAD — Durante e fiesta den Club Bonaire diasabra anochi e eleccion pa e prins di carnaval di 1960 a tuma lugar. Antonio Bulos a bira prins y Bingo Jansen como su Pancho. Tur dos ta candidatos di Club Watapana.

Durante fiestanan di carnaval den Commandeursbaai club senjorita Olivia Pieters a bira reina di carnaval dje club cu 118 votos. Su runner up cu 74 votos tabata jacinta van der Linden.

Pa reina di Bonaire Club di carnaval di 1960 a keda elihí Frieda Vanderwal Arneman cu 112 votos, cu su runner up Ramona Pourrier cu 44 votos. Den nos edicion di mayan nos ta spera di bolbe mas detalladamente tocante e eleccionnan di carnaval aki.
